

Inscripcion pa Festival di Musica y Paranda di Aguinaldo



ORANJESTAD-- Tur Banda, cantante, compositor y arreglista ta cordialmente invita pa pasa inscribi diabierna dia 19 october 2013 pa 7'or di anochi na Hoffie Chona. Pa e competencia pa titulo Rey of Reina di Aguinaldo y propio composicion.

E cantante pues mester interpreta un Aguinaldo di porta. E aña aki a opta pa e Aguinaldo di porta cu ta "Cu amor y alegria". E cantante ta liber pa uza su mes un inspiracion y palabra. E linea/e guia mester ta enfoca riba e nacimiento/binida di e Niño Santo. Pues lo mester canta y ofrece bendicion y brinda e miho deseo. Cordando riba presente nan, hogar, nos grandi nan, hobenan y chikitinnan.

Pa locual ta trata e propio composicion e mester contene e motibo di e celebracion di Pasco. E mester ta dirigi riba e nacimiento, e proposito, e mandamento, un bida modelo etc. ,etc. Tur dos esta e Agui-

naldo y e propio composicion mester ta den nos dushi idioma PAPIAMENTO. E instrumentonan ta tradicional manera acorda durante di reunion na Hoffie Chona??Tambe ta pidi atencion pa e manera cu ta toca e instrumentonan. Ya cu no ta permiti pa desvia di Aguinaldo pa Danza of Tuma tampoco otro genero. Lo tin 3 categoria. Infantil 8-12, hubenil 13-17 y adulto 18+. Hende muhe y Hende homber lo haya un biaha mas e oportunidad bunita di competi hunto. Durante di inscripcion lo haya informacion adicional. Pa motibo structural, organisatorio y logistica ta sumamente importante pa acudi na e inscripcion. Nos ta convenci cu por conta cu e cooperacion di tur banda, arreglista, compositor y cantante. Shonnan, ban hunto sigui traha yen di animo pa brinda Aruba un ambiente di Pasco cu nos Aguinaldo y nos ta topa dia 19 di october pa 7'or na Hoffie Chona. □

Muchanan cu tin PDD...

Continuacion di Pag. 7

Un estudio publica na october 2012 di American Journal of Psychiatry, a conclui cu 91% di muchanan cu diagnosisnan di PDD for di DSM-IV a tene nan diagnosisnan bao di autismo spectrum disorders diagnosis uzando DSM - 5.

Debi na e reciente lansamento di e criterio nobo di diagnostica, e cambio den clasificacion y diagnosisnan lo ta gradual. Adicional, e reemplazo di PDD cu Autismo Spectrum Disorders a enfrenta gran critica for di esnan cu a wordo diagnostica den pasado y nan famia. Prome cu e lansamento di DSM-5, algun dokter a uza PDD-NOS como un diagnostica temporario pa muchanan bao di edad di cinco aña, pa ki rason cu por ta, nan tabata reluctante pa diagnostica autismo. Tabata tin varios hustificacion pa esaki. Muchanan hopi jong pa cuminsa, tin interaccion social limita y habilidad di comunicacion, asina ta e por ta tiki fastioso pa diagnostica casonan menos severo di autismo den peuters.

E asumpcion ta cu pa edad di cinco aña, comportacion no usual lo por tanto resolve of desaroya den autismo diagnostica. Sinembargo, algun mayor ta mira label di PDD como no otro cu eufemismo pa autism spectrum disorders, problematica debi cu e label aki ta haci mas dificil pa ricibi ayudo den un intervencion tempran durante infancia.

CUIDO

Remedinan cu ta wordo uza pa adresa cierto problemanan di comportacion, terapia pa muchanan cu PDD mester ta specialisa di acuerdo cu e necesidadnan specifico di un mucha. Algun mucha cu PDD ta beneficia di klasnan specialisa caminda e tamaño di e klas ta chikito y e instruccionnan ta wordo riba un base un riba un. Otro funcion den standard cu klasnan special di educacion of klasnan regular cu sosten. Intervencion tempran, incluyendo programanan educacional apropia y specialisa y servicionan di sosten, ta hunta un rol critico den mehoracion di e resultado di individuonan cu PDD. 